

全上古三代秦漢三國六朝文

全宋文卷三十七

烏程嚴可均校輯

顏延之二

武帝謚議

聖哲同風、功美殊稱、蓋出乎道者無方、故形於物者不一、伏惟道
塞人神、信通期運、愛敬所稟、因心則遠、莫粹之照、正性自天、體苞
潛躍、慮周卷舒、龍德在陰、雖艱貞而不悶、因時而惕、故有來其必
享、在晉之季、皇塗荐阻、攬捨千紀、璇璣失馭、天鑒靈武、民屬聖明、
不假十室之資、不籍百乘之賦、首義馳風、一鼓靜亂、滌除泰階、消
殞薄蝕、斯亮登庸之基、經綸之始者也、內難雖弭、外圖未輯、河華
海岱、負固相望、荆濮燕亳、侯服交侵、眷言帝畿、思康王路、我不再
駕、遺氓卽敘、斥埃之所未羈、亭徽之所不譯、莫不飾誠請罪、款塞
來賓、故能洒壻中獄、致廟九山、神道會昌、寶命旣集、損之而益、後

身愈先既而儀形帝載揖讓天厯改玉乎文祖班瑞於神宗貫革
寢機文武摺笏故宸居兩楹坐一八表國訓成均之學家沾撫辜
之仁大美配天必終之日儉德道固萬葉猶申之日話言允所謂
教思無窮樹之長世取高上代顧邈前王矣藝文類聚十三

天馬狀

降靈驥子九方是選白驥朱文綠虵紫燕水軼驚鳧陸越飛箭遇
山爲風值雲成電藝文類聚九十三

與王曇生書

君家高世之節有識歸重豫染豪翰所應載述況僕託慕末風竊
日敘德爲事但恨短筆不足書美宋書王弘之傳弘之卒延之欲

不就又見南史二十四

弔張茂度書

賢弟子少履貞規長懷理要清風素氣得之天然言面已來便申

忘年之好、比雖艱隔成阻、而情同無際、薄莫之人、冀其方見慰說、豈謂中年奄爲長往、聞問悼心、有兼恆痛、足下門教敦至、兼實家寶、一旦喪失、何可爲懷、宋書張敷傳

與王微書

圖畫非止藝、行成當與易象同體、而工篆隸者、自目書巧爲高、
荅或問甥姪

或問顏延之曰、甥姪亦可施於伯叔從母邪、顏荅曰、伯叔有父名、則弟兄之子不得稱姪、從母有母名、則姊妹之子不得稱甥、且甥姪唯施之於舅姑耳、何者、姪之言實也、甥之言生也、女子雖出、情不自絕、故於兄弟之子、稱其情實、男子居內、據自我出、故於姊妹之子、言其出生、伯叔本內、不得言實、從母俱出、不得言生、然後謂吾伯叔者、吾謂之兄弟之子、謂吾從母者、吾謂之姊妹之子、通典六十八

七繹

北岳孤生剡迹埋名身開事盡道畜山嵐東園進士謬與遷焉其
居也依隱嵯陰結架清深巖居橋構磴道相臨寒榮隴首緝飲江
湄

客曰周目巖廊市目絲房水寫雲氣土祕椒芳旣旋天而倒井又
斲員而鏤方松丘箭渚藥苑香林梁澗道日高濟棧巖磴而上尋
已上並藝文類聚五十
七御覽一百八十八

客曰若夫舟山之奧金門之祕地首嶧銅川上汶泗裁石成音調
金爲器故列眞玩其微鳴辭人賦其清蕊若乃梓漆簡聲麗容呈
木陳舞態開吹臺獵悲風遡秋埃旣而昵賓獻壽中人奉膳有消
者顏弗怕高殿視華鼓之繁桴聽笳邊之嘶囀飛朱鷺日首引逮
玄雲而終變然後簪珥搖暉莊服流瀣抗妍歌目跼躍揚輕袖而
翳面雜紛披於巾拂遞開關乎榮扇

梓工飾雕簾之興、州人進龍圖之馬、馭駕則眩奔鳳蓋、振鐃則固
促、商夏故動、朝馳光舉、策流赭御覽三百五十八

三月三日曲水詩序

大方策既載、皇王之迹已殊、鐘石畢陳、舞詠之情不一、雖淵流遂
往、詳略異聞、然其宅天衷、立民極、莫不崇尙其道、神明其位、拓世
貽統、固萬葉而爲量者也、有宋函夏、帝圖弘遠、高祖曰、聖武定鼎、
規同造物、皇上曰、敍文承祿、景屬宸居、隆周之卜、旣永、宗漢之兆
在焉、正體毓德於少陽、王宰甄文類聚作上宰、宣哲於元輔、巽緯昭應、山
瀆效靈、五方雜遝、四澳來暨、選賢建賊、則宅之於茂典、施命發號、
必酌之於故實、大予協樂、上庠肆教、章程明密、品式周備、國容砥
令而動、軍政象物而具、綴闕記言、校文講藝之官、采遺於內、輜車
朱軒、懷荒振遠之使、論德於外、賴莖素纓、并柯共穗之瑞、史不絕
書、棧山航海、踰沙軼漠之貢、府無虛月、烈燧千城、通驛萬里、穹居

之君、內首稟朔、卉服之酋、回面受吏、是日異人慕響、俊民間出、警蹕清夷、表裏悅穆、將徙縣中宇、張樂岱郊、增類帝之宮、飭禮神之館、塗歌邑誦、日望屬車之塵者久矣、日纏胃維、月軌青陸、皇祇發生之始、后王布和之辰、思對上靈之心、日惠庶萌之願、加日二王于邁、出餞戒告、有詔掌故、爰命司厯、獻洛飲之禮、具上巳之儀、南除輦道、北清禁林、左闢巖陞、右梁潮源、略亭泉、跨芝廡、苑太液、懷曾山、松石峻挽、慈翠陰烟、游泳之所攢萃、翔驟之所往還、於是離宮設衛、別殿則微、旌門洞立、延帷接板、閱水環階、引池分席、春官聯事、蒼靈奉塗、然後昇祕駕、肩縱騎、搖玉轡、發流吹、天動神移、淵旋雲被、日降於行所禮也、旣而帝暉臨幄、百司定列、鳳蓋俄軫、虹旗委旛、肴藪芬藉、觴醪泛浮、妍歌妙舞之容、銜組樹羽之器、三奏四上之調、六莖九成之曲、競氣繁聲、合變爭節、龍文飾轡、青翰侍御、華裔殷至、觀聽鶩集、揚袂風山、舉袖陰澤、鼎莊藻野、袂服緝川、

故曰殷賑外區、煥衍都內者矣。上膺萬壽、下禔百福、市筵稟和、闔
堂依德、情盤景遽、歡洽日斜、金駕總馴、聖儀載佇、帳鈞臺之未臨、
慨艷宮之不縣、方且排鳳闕、日高遊、開爵園而廣宴、並命在位、展
詩發志、則夫誦美有章、陳言無愧者歟。文選類聚四

赤瑾頌

日御北至、夏德南宣、玉蒸榮心、氣動上玄、華纈開物、受色朱天、是
謂珍樹、含豔丹間。藝文類聚八十九

碧芙蓉頌

澤芝芳豔、擅奇水屬、練氣紅荷、比符經玉、樨麗洽池、飛映雲屋、實
紀仙方、名書靈躡。藝文類聚八十二

新喻侯茅齋贊

輦草作壯、采茅昭儉、哲人素節、貴而能貶、羈結茨危、敞臨涯隙、
魏文

魏文類聚六十四

蜀葵贊

井維降精、嵒絡升靈、物微氣靡、夫草之英、喻豔眾葩、冠冕羣英、類
庶能直、方葵不傾、藝文類聚
八十一

釋何衡陽達性論

前得所論、深見弘慮、崇致人道、黜遠生類、物有明微、事不愆義、維
情輔教、足使異門埽軌、況在斯同、豈忘所附、徒恐琴瑟專一、更失
闢詣、故略廣數條、取盡後報、足下云、同體二儀、共成三才者、是必
合德之稱、非遭人之目、然總庶類、同號眾生、亦含識之名、豈上哲
之證、然則議三才者、無取於氓隸、言眾生者、亦何濫於聖智、雖情
在序別、自不患亂倫、若能兩藉方敘、俱舉達義、節彼離文、採此共
實、則可便倍害自和、析符復合、何詎怏怏執呂已毀律、且大德曰
生、有萬之所同、同於所方、萬豈得生之可異、不異之生、宜其爲眾
但眾品之中、愚慧羣差、人則役物、己爲養物、則見役己養人、雖始

微當微

吾當作宮

〇字衍

在焉作存

或因順終至截殘、庶端萌起、情嗜不禁、生害繁慘、天理鬱滅、皇聖哀其若此、而不能頓奪所滯、故設俟物之教、謹順時之經、將已開仁育識、反漸息泰、且與道爲心者、或不劑此而止、又知大制生死、同之榮落、類諸區有、誠亦宜然、然神理存沒、倘異於枯荏變謝、就同草木、便當煙盡、而復云三后升遐、精靈在天、若精靈必在、果異於草木、則受形之論、無乃更貴來說、將由三后粹善、報在生天、邪欲毀後生、反立升遐、當毀更立、固知非力所除、若徒有精靈、尙無體狀、未知在天、當何憑、且立、吾怯於庭斷、故務求依倣、而進退思索、未獲所安、凡氣數之內、無不感對、施報之道、必然之符、言其必符、何猜有望、故遺惠者無要在功者、有期、期存未善、去惠乃至、人有賢否、則意有公私、不可見物、或期報、因謂樹德皆要、且經世恆談貴施者、勿憶士子服義、猶惠而弗有、況在間道、要更不得虛心、而動必懷嗜、事盡憚權邪、曾不能引之上濟、每驅之下淪、雖深誦

校責亦已厚言不代足下櫻城素堅難爲飛書而吾自居憂患情
理無託近辱賤告欲具布意裁往釋慮不或值頗延之白

弘明集四

重釋何衡陽達性論

薄從歲事躬斂山田田家節隙野老爲儔言止穀稼務盡耕牧談
年計耦無間達義重獲微辨得用昭慰敷告精至愈慚固結今復
忘書往懷曰翰未述夫藉意探理不若析之聖文三才之論故當
本諸三畫三畫既陳中稱君德所曰神致太上崇一元首故前謂
自非體合天地無曰元應斯弘知研其清慮未肯存同猶曰兼容
罔棄廣載不遺篤物之志誠爲優瞻然理位難越疑陽遂眾若惻
隱所發窮博愛之量恥惡所加盡祐直之正則上仁上義吾無間
然但情之者寡利之者眾預有其分而未臻其極者不得曰配擬
二儀耳今方使極者爲師不極者爲貲扶其敬讓去其忮爭令鑿
斧鑄刃利害廢端驅百代之民出信厚之塗則何萌不滋何善不

援而誣曰不算未值其意三才等列不得取偏才之器眾生爲號不可濫無生之人故此去氓隸彼甄聖智兩籍俱舉旨在於斯若喬札未能道一皇王豈獲上附伊顏猶共賴氣化宜乎下應二塗之判易於臆指又知曰人生雖均被大德不可謂之眾生譬聖人雖同稟五常不可謂之眾人夫不可謂之眾人曰茂人者神明也今已均被同眾復何諱眾同故當殊其特靈不應異其得生徒忌眾名未虧眾實得無侶蜀梁逃畏卒不能避所謂役物爲養見役養人者欲言愚慧相傾骨算相制事由智出作非出天理是曰始矜萌起終哀鬱滅豈與足下芻豢百品共其指歸凡動而蓋流下民之性化而裁之上聖之功謹爲垣防猶患踰盜況乃罔不備設目充侈志方開所泰何議去甚故知慘物之談不得與薄夫同憂樂殺意偏好生情博所云與道爲心者博乎生情將使排虛率遂距實莫反利澤通天而不爲惠庸適恩止靡卵事法豺獾卵惟此

往也。非唯自己。不復委咎市廛乎庖廚。且市庖之外。非無御養神農所書中散所述公理美其事。仲彥精其業。是亦古有其傳。今聞其人。何必曰刳剝爲稟和之性。爛淪爲翼善之具哉。若曰編戶難齊。憂鄙論未立。是見二叔不咸。慮周德先亡。儻能伸曰遠圖。要之長世。則日計可滿。歲功可期。精靈草木。果已區別。遊魂之荅。亦精靈之說。若雖有無形。天下豈有無形之有。顧此惟疑。宜見正定。仲尼不荅。有無未辨。足下旣辨其有。豈得同不辨之荅。雖子嗜學。懼未獲所附。或是曉晦塗隔。隱著事懸。遂令明月廢照。世智限心。知謂必符之言。體之極於罔。講求反意。如非相盡。或世人守璞。受讓玉市。將譯胥牽俗。還說國情。苟未照盡。請復具伸近釋。報施首稱氣數者。曰爲物無妄然。各曰類感。感類之中。人心爲大。心術之動。隸歷所不能得。及其積致於可勝原而當斷。取世見。據爲高證。莊周云。莽鹵滅裂。報亦如之。孫卿曰。報應之勢。各曰類至。後身著戒。

可不敬與、慈護之人深見此數、故正言其本、非邀其末、長美過惡、
反民大順、濟有生之類、人無死之地、令慶周兆物、尊冠百神、安宜
祚極、子肩福限、卿相而已、常善曰、救善亦從之勢、猶影表不虛、自
來何言乎、要惠說報、疑罪勤施、信由近驗、各情遠猜、德教故方、罰
矜功而濫咎、忘賢遺存、異義公私、殊意已備、前白若不重云、想處
實陋、華者復見其居厚去薄耳、若施非周急、惠而期譽、乃如之人、
誠道之蠹、惟子之恥、臣亦恥之、引明集四

又釋何衡陽達性論

聖慮難原、神應不測、中散所云、中人自竭、莫得其端、豈其淺斥、所
可深抽、徒曰魏文大布、見刊異世、滕脩蝦鬚、取愧當時、故於度外
之事、怯曰意裁耳、足下已審其虛實、方書之不朽、獨鑒堅精、難復
疑問、聊寫餘懷、依荅條釋、事緯殃福、義雜胡華、雖存簡章、自至煩
文、過此已往、余欲無言、

答曰若如論旨、曰三畫爲三才、則初擬地爻、三議天位、然而遞世無間、非厚載之目、君子乾乾、非蒼蒼之稱、果兩儀罔託、亦何取於立人、但爻有中和、宜應君德耳、釋曰、問之前學、消象始於三畫、兼卦終於六爻、三畫立本、三才之位、六爻未變、羣龍所經、是曰重卦之後、則曰出處明之、故遞世乾乾、潛藏皆行、聖人適時之義、兼之道也、若曰初爻非地、三位非天、曰爲兩儀罔託、立人無取、未知足下前論三才同體、何因而生、若猶受之繫說、不軼師訓、何獨得之復卦、喪之單象、如羲文之外、更有三才、此自春秋新意、吾無識焉、且遞世乾乾、雖非載覆之名、一體之中、未失高卑之實、豈得曰變動之辭、廢立本之義、又知曰爻在中和、宜應君德、若徒有中和之爻、竟無中和之人、則爻將何放、若中和在德、則不得人皆中和、體合之論、固未可殊越、

答曰上仁上義、便是許體、仁義者爲三才、尋又云、僞札未獲上附、

伊顏宜其下座。則黃裳之人。其猶弗及。雖隨之旨。高下無準。故惑者未悟。釋曰。所云上仁上義。謂兼總仁義之極。可曰對饗天地者耳。非謂少有恥愛。便爲三才。前釋已具。怪復是問。四彼域中。唯王是體。知三此兩儀。非聖不居。易者同歸。可無重惑。案東魯階差。僑札理不允備。何由上附。至位依西方。準墨伊顏。未獲法身。故當下麗。生品來論。挾姬議釋。故兩解此意。冀已取了。反致辭費。聖作君師。賢爲臣贊。接暢神功。影響大業。行藏可共。默語亦同。體分至此。何負黃裳。議者徒見不得等位元首。橫生訕恨。而不知引之極地。更非守節之情。指斷如斯。何謂無準。

荅曰。夫陰陽陶氣。剛柔賦性。圓首方足。容貌匪殊。惻隱恥惡。悠悠皆是。但參體二儀。必舉仁義爲端耳。釋曰。若謂圓首方足。必同恥惻隱之實。容貌匪殊。皆可參體二儀。踰跖之徒。亦當在三才之數邪。若誠不得。則不可見橫目之同。便與大人同列。悠悠之倫。品量

難齊既云仁者安仁智者利仁又云力行近仁畏罪強仁若一之正位將眞僞相冒莊周云天下之善人寡不善人多其分若此何謂皆是

荅曰知欲限以名器慎其所假遂令惠人潔士比性於毛羣庶幾之賢同氣於介族立象之意豈其然乎釋曰名器有限良由皆體不備雖欲假之疑陽謂何含靈爲人毛羣所不能同稟氣成生潔士有不得異象放其靈非象其生一之而已無乃誣漫

荅曰已均被同眾云云特靈之神既異於眾得生之理何嘗遽同生本於理而理異焉同眾之生名將安附若執此生名必使從眾則混成之物亦將在例邪釋曰吾前謂同於所方豈得生之可異

乃當作焉

足下荅云非謂不然又曰奚取不異之生必宜爲眾是則去吾爲眾而取吾不異豈有不異而非眾哉所已復云故當殊其特靈不應異其得生耳今荅又謂得生之理何嘗遽同生本於理而理異

焉請問得生之理故是陰陽邪吾不見其異而足下謂未嘗暫同若有異理非復煦蒸邪則陰陽之表更有受生塗趣三世詎宜堅立使混成之生與物同氣豈混成之謂若徒假生名莫見生實則非向言之匹言生非生卽是有物不物李叟此說或更有其義曰無詰有頗爲未類

荅曰謹爲垣坊云云始云皇聖設俟物之教謹順時之經將曰反漸息泰今復曰方開所泰爲難未詳此將難鄙議爲譏聖人也釋曰前觀本論自九穀曰下至孔鈞不綱始知高議謂凡有宰作皆出聖人躬爲尸匠曰率先下民也孤鄙拙意自謂每所施爲動必有因聖人從爲之節使不遷越此二懷之大斷彼我所不同吾將節其奢流故有息泰之說足下方明備設未知於何去甚而中荅又云所謂甚者聖人固已去之不了此意故近復曰所泰爲問荅云未詳誰難或自己忌前報

忌前報

荅曰市庖之外云云夫禋燔薦饗宗社三牲醢臠豆俎呂供賓客七十之老俟肉而飽豈得唯陳草石取備上藥而已而憂不立者非謂洪論難持退嫌此事不可頓去於世耳釋曰神農定生周人備斂既啗粒食而言上藥既用犧牢又稱牷犧祭膳之道故無定方前舉市庖之外復有御養者捐奪刳瀹之滯呂明延性不一非謂經世之事皆當取備草石然芻豢之功希至百齡芝朮之饒亟聞千歲由是言之七十之老何必謝恩於肉食但自封一域者捨此無術耳想不可頓去於世猶是前釋所云不能頓奪所滯也始獲符同敢不歸美既知不可頓去或不謂道盡於此

荅曰天下寧有無形之有云云尋來旨倡不嫌有鬼嘗謂鬼宜有質得無惑天竺之書說鬼別爲生類耶昔人言鬼神爲斂乃列於典經布在方策鄭僑吳札亦曰爲然是呂雲和六變實降天神龍門九成人鬼咸格足下雅秉周禮近忽此義方諸無形之有爲支

離之辯乎釋曰非唯不嫌有鬼乃謂有必有形足下不無是同處有復異是目比及質詰欲目求盡請捨天竺之說謹依中土之經又置別爲生類共議登遐情願體狀有無固然宜報定典策之中鬼神累萬所不了者非其名號比獲三論每來益眾萬鬼畢至竟未片荅雖啟告周博非解企渴無形之有既不匠立徒謂支離目爲通說若目覈正爲支離者將目浮慢爲直達乎

荅曰後身著戒云云未詳所謂慈護者誰氏之子若據外書報應之說皆吾所謂權教者耳凡講求至理曾不析之聖言多採譎怪目相扶翼得無倡目水濟水平釋曰慈護之主計亦久聞其人責目誰子將目文殊釋氏如謂報應之說皆是權教權道隱深非聖不盡雖子通識慮亦未見其極吾疲於推求而足下逸於獨了良有惡然若權教所言皆爲欺妄則自然之中無復報應吾懦於擊決足下烈於專斷亦又懼焉神高聽卑庸可誣哉想云聖言者必

案弘明集

由金作由

余

限當作根

姬孔之誥今之所談皆其信順之事而謂曾不析之復是未經詳思來論立姬廢釋故吾引釋符姬答不越問未覺多採由金日碑不生華壤何限九服之外不有窮理之人內外爲判誠亦難乎若自信其度獨思耳目習識之表皆爲謠怪則吾亦已矣

答曰又云物無妄然必曰類感云云斯言果然則類感之物輕重必侔影表之勢脩短有度致飾土木不發慈愍之心順時蒐狩未限慘虐之性天宮華樂焉賞而上升地獄幽苦奚罰而淪陷唱言窮軒輊立法無衡石一至於此釋曰影表之說曰徵感報來意疑不必侔嫌其無度卽復除福應也福應非他氣數所生若滅福應卽無氣數矣足下功存步驗而還伐所知想信道爲心者必不至此若謂不慈於土木之飾有甚於順時之殺者無乃大負夫人之心黃屋玉璽非必堯舜之情崇居麗養豈是釋迦之意責天宮之賞求地獄之罰頗類昔人亞夫之誥英布之問有味乎其言此葦

傳作傳

微作微

逕并作
逕乎

眾息心之所詳、吾可得而略之

答曰且阿保傳愛、愼及潤腴、良庖提刀、情挑介族、彼聖人者、明竝
日月、化圖三統、若令報應必符、亦何妨於教、而緘局義唐之紀、埋
閉周孔之世、肇結網罟、興累億之罪、仍制牲牢、開長夜之罰、遺彼
天庖、甘此芻豢、曾無拯溺之仁、橫成納隍之醜、其爲不然、宜簡淵
慮、若無窮神之智、猶有所不盡、雖高情愛、亦想亦未至於侮聖、釋
曰知謂報應之義、緘義周之世、曰此推求、爲不符之證、義唐邈矣、
人莫之詳、尙書所載、不過數篇、方言德刑之美、遑記禍福之源、今
帝典王策、猶不書性命之事、而微闕文、曰爲古必無之、斯亦師心
之過也、且信順殃慶、咸列姬孔之籍、謂之埋閉、如小逕、井、但言有
遠近、教有淺深、故使智者、與此而奪、彼邪、夫生必有欲、欲必有求、
欲歟、則爭、求給、則恬、爭則相害、恬則相安、網罟之設、將蠲害、曰取
安乎、且畋漁、牲牢、其事不異、足下前答、已知牲牢不可頓去、於今

世復謂敗漁不可獨棄於古未爲通類矣。好生惡死每下愈篤。故
者其死者順其情奪其生皆逆其性。至人尙矣。何爲犯順而居逆
哉。是知不能順奪所滯。故因爲之制耳。聖靈雖茂。無日敏懷愍之
心。弱喪之民。何可勝論。罪罰之來。將物自取之。事遠難致。不由天
廚見遺。物近易耽。故常芻豢是比。拯溺出隍。眾哲所共。但化物不
同。非道之異。不盡之讓。亦如過當。子長愛奇。本不類此。

荅曰。足下論仁義。則云情之者少。利之者多。言施惠。則詐其遺賢。
忘報在情。旣少。孰能遺賢。利之者多。曷云忘報。若能推樂施之士。
呂期欲仁之疇。演忘報之意。引向義之心。則義實在斯。求仁不遠。
釋曰。情仁義者寡。利仁義者眾。聞之莊書。非直孤說。未獲詳校。遽
見彈責。夫在情旣少。利之者多。不能遺賢。曷云忘報。實吾前後勤
勤。呂爲不得配擬二儀者耳。復非篤論。所應據正。若樂施忘報。卽
爲體仁。忘報而施。便爲合義。可去欲字。并除同名。在斯不遠。誰不

是慕

答曰、濟有生之類云云、斯旨宏誕、非本論所及、無乃秦師將遁、行人言肆乎、釋曰、足下論挾姬釋、吾亦答兼戎周、足下曰、此抑彼謂、禍及高門、吾伸彼抑、此云慶周兆物、足下據此所見、謂祚止公侯、吾信彼所聞、云尊冠百神、本議是爭、曷云不及、夫論難之本、曰易奪爲體、失之已外、輒云宏誕、求理之塗、幾乎塞矣、師遁言肆、或不在此

和當作知

答曰、豈其相迫、居吾語子、聖人在上、不與百神爭長、有始有卒焉、得無死之地云云、釋曰、豈其相迫、一何務德、居吾語子、又何壯辭、凡爲物之長、豈爭之所得、非唯不爭、必將下之、不可見尊冠百神、便謂與百神爭長、無乃取之勝、辭棄之體仁、和謂物有始卒、無不死之地、求之域內、實如來趣、前釋所謂勝類諸區、有誠亦宜然者也、至如山經所圖、仙傳所記事、闕世載已不可原、況復道絕恆情

中作當

理隔常照必已於我不然皆常絕棄此又所不得安

荅曰夫辨章幽明研精庶物云云釋曰逮省此章盛陳列代文博體周頗善師法歌誦聖世足爲繁聲計求道義未是要說耳昔在幼壯微涉羣紀皇王之軌賢智之跡側聞其略收辱其詳惠示之篤實勤執事

足當作

立

荅曰何必陋積慶之延祚希無驗於來生醇膜指讓終不竝足窺願吾子捨兼而遵一云云釋曰不陋積慶已伸信順之條貫希來生亦具感報之說藻袞大裘同周一體醇膜指讓何爲不俱行一世理有可兼無謂宜捨

已當作世

已當作繼

荅曰蜀梁二叔也人驛胥之譬非本論所經故不復具云釋曰近此數條聊發戲端亦猶越人問布見採於前談肄業及之無相多怪然二叔爲問欲自徧編戶之疑後而不荅誠有望焉足下連國雲從宏論風行吾幽生孤說每獲竊議此之不作事有固然實由

作共

通才所供者理歟忘其煩貪復息心弘明集四

論檢

聖人者靈照燭微理絕功外初學記十七

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷三十八

烏程嚴

顏延之

三
範連珠

蓋聞匹夫履順則天地不違一物投誠則神明可交事有微而愈著理有闇而必昭是呂魯陽傾首離光爲之反舍有烏拂波河伯爲之不潮

藝文類聚五十七

大筮箴

余因讀易偶意著龜友人有請決遊宦務志卦有咎占故作大箴
呂悟焉先王設筮大人盡慮卦遭同人變而之豫先號後笑初睽未遇時至運來當在三五功畢官成幾乎衍數慶在坤宮災在坎路不出戶庭獨立無懼違此而動投足失步無情爾儀靈骨有知無曰余逆神箴不豫南人司箴敢告馳騫

藝文類聚七十五

右光祿大夫西平靖侯顏府君家傳銘

案顏含延之曾祖

岷夷導日，岱方禋春。星離望合，水別浸鄰。少陽畜德，蒼祇效神。孕
僊字聖，誕智息仁。洙上道奧，稷下儒淵。乃昔宗林，傾席曜筵。外門
取雋，接室稱賢。閭則逌哀，燭亦抗宣。藝文類聚作曠彼琅邪，實惟海宇。
憬屬之累，邪臨潮撫。載濟越師，大淹秦旅。誰其來遷，時聞遠祖。青
州隱秀，爰始貞居。內辟鼎府，外康藝文類聚作秉邦閭。建節中平，分竹黃
初。刑清齊右，政偃營區。葛嶧明懿，平陽聰理。藝文類聚作式荐公庭，或
登宰士。列美霸朝，雙風千里。華萼之茂，於昭不已。博士淵退，再遂
儒聘。貞子七穆，比世稱盛。無忝汝陰，有偉安定。舍人孜敏，亦允儲
命。靖侯潛德，信豈在明。言則測幽，歎實聳靈。仁親之寶，大孝之榮。
官必凝績，學乃敦經。隨難蕃霸，特安閭掖。扶元陟帝，翼成復辟。忌
滿裁婚，鑒沖貶石。望年靜駕，樂恬延厯。三祖連光，眾門稟敘。於時
列孝克端，殊操潔景。衡陰湮心，理奧任不窮秩。是謂高蹈，山曾木

口胃積茲深永惟世口思樹辭林碑表有毀策素匪任誦壘墳阿
長寄風音

景定建康志又略見苑文類聚五十五初學記二十一

陶徵士誄

并序

夫璿玉致美不爲池隄之寶桂椒信芳而非園林之實豈其深而
好遠哉蓋云殊性而已故無足而至者物之藉也隨踵而立者人
之薄也若乃巢高之抗行夷皓之峻節故已父老堯禹錙銖周漢
而齡世浸遠光靈不屬至使菁華隱沒芳流歇絕不其惜乎雖今
之作者人自爲量而首路同塵輟塗殊軌者多矣豈所已昭末景
汎餘波有晉徵士尋陽陶淵明南岳之幽居者也弱不好弄長實
素心學非稱師文取指達在眾不失其寡處言愈見其默少而貧
病居無僕妾井臼弗任藜藿不給母老子幼就養勤匱遠惟田生
致親之議追悟毛子捧檄之懷初辭州府三命後爲彭澤令道不
偶物棄官從好遂乃解體世紛結志區外定迹深棲於是乎遠灌

畦鬻蔬爲供魚菽之祭、織絢緯蕭、已充糧粒之費、心好異書、性樂酒德、簡棄煩促、就成省曠、殆所謂國爵屏貴、家人忘貧者與、有詔徵爲著作郎、稱疾不到、春秋若干元嘉四年月日、卒於尋陽縣之某里、近識悲悼、遠士傷情、冥默福應、嗚呼淑貞、夫實曰誅華名由謚高、苟允德義、貴賤何筭焉、若其寬樂令終之美、好廉克己之操、有合謚典、無愆前志、故詢諸友好、宜謚曰靖節徵士、其辭曰、

物尙孤生、人固介立、豈伊時邁、曷云世及、嗟乎若士、望古遙集、韜此洪族、蔑彼名級、睦親之行、至自非敦、然諾之信、重於布言、廉深簡潔、貞夷粹溫、和而能峻、博而不繁、依世尙同、詭時則異、有一於此、兩非默置、豈若夫子、因心違事、畏榮好古、薄身厚志、世霸虛禮、州壤推風、孝惟義養、道必懷邦、人之秉彝、不隘不恭、爵同下士、祿等上農、度量難鈞、進退可限、長卿棄官、稚賓自免、子之悟之、何悟之辯、賦詩歸來、高蹈獨善、亦旣超曠、無適非心、汲流舊巖、甘宇家

林晨州暮諫春煦秋陰陳書輟卷置酒絃琴居備勤儉躬兼貧病
人否其憂子然其命隱約就閑遷延辭聘非直也明是惟道性糾
繆幹流冥漠報施孰云與仁實疑明智謂天蓋高胡謬斯義履信
曷憑思順何實年在中身疾維牖疾視死如歸臨凶若吉藥劑弗
嘗禱祀非恤僚幽告終懷和長畢嗚呼哀哉敬述靖節式尊遺占
存不願豐沒無求瞻省計御賻輕哀薄斂遭壤以安旋葬而窆嗚
呼哀哉深心追往遠情逐化自爾介居及我多暇伊好之洽接聞
鄰舍宵盤晝憩非舟非駕念昔宴私舉觴相誨獨正者危至方則
礙哲人卷舒布在前載取鑒不遠吾規于佩爾實慨然中言而發
違眾速尤迂風先蹶身才非實榮聲有歇散音永矣誰箴余闕嗚
呼哀哉仁焉而終智焉而斃黔婁旣沒展禽亦逝其在先生同塵
往世旌此靖節加彼康惠嗚呼哀哉

文選藝文類
聚三十七

陽給事誄

井序

惟永初三年十一月十一日宋故監遠司馬濮陽太守彭城陽君
卒嗚呼哀哉瓚少稟志節資性忠果奉上以誠率下有方朝嘉其
能故授以邊事永初之末佐守滑臺值國禍荐臻王略中否獯虜
閒毀剗剝司充幽并騎弩屯逼鞏洛列營緣成相望屠潰瓚奮其
猛銳志不違難立乎將卒之間以緝華裔之眾罷困相保堅守四
旬上下力屈受陷勦寇士師奔擾棄軍爭免而瓚誓命沈城佻身
飛鏃兵盡大斃于旗下非夫貞壯之氣勇烈之志豈能臨敵引
義以死邪哉景平之元朝廷聞而傷之有詔曰故監遠司馬
濮陽太守瓚之滑臺之逼厲誠固守投命徇節在危無撓古之烈
士無以比之乎五贈給事中振郵遺孤以慰存亡追寵既彰人知慕
節河汴義風矣逮元嘉廓祚聖神紀物光照茂緒旌錄舊
勳苟有概於貞孝者實事感於仁明末臣蒙固側聞至訓敢詢諸
前典而爲之誄其辭曰

貞不常祚、義有必甄、處父勒石、忽在登賢、苦夷致果、題子行間、忠
壯之烈、宜自爾先、舊勳雖廢、邑氏遂傳、惟邑及氏、自溫徂陽、狐續
旣降、晉族弗昌、之子之生、立續宋皇、卒猛沈毅、溫敏肅良、如彼竹
柏、負雪懷霜、如彼駢駟、配服駟、邊兵喪律、王略未收、函陝墮阻、
瀍洛蒿萊、朔馬東徂、胡風南埃、路無歸轡、野有委骸、帝圖斯艱、簡
兵授才、寔命陽子、佐師危臺、掠彼危臺、任滑之荆、周衛是交、鄭崔
是爭、昔惟華國、今實邊亭、憑巘結關、負河縈城、金柝夜擊、和門晝
闢、料敵厭難、時惟陽生、涼冬氣勁、塞外草衰、邊矣獯虜、乘障犯威、
鳴驥橫厲、霜鎬高舉、軼我河縣、俘我洛畿、攢鋒成林、投鞍爲圍、翳
翳窮壘、嗷嗷羣悲、帥老變形、地孤援闕、卒無半菽、馬實拊秣、守未
焚衝、攻已濡褐、烈烈陽子、在困彌達、勉慰痍傷、附巡歲渴、力雖可
窮、氣不可奪、義立邊疆、身終鋒楛、嗚呼哀哉、賁父殞節、魯人是志、
升督效貞、晉策攸記、皇上嘉悼、思存寵異、於以贈之、言登給事、疏

爵紀庸恤孤表嗣嗟爾義士沒有餘喜嗚呼哀哉

文選載文類聚四十八

宋文皇帝元皇后哀策文

惟元嘉十七年七月二十六日大行皇后崩于顯陽殿粵九月二

十六日將遷座于長寧陵禮也龍輅

文類聚作輅

纒綽容翟結駿皇塗

昭列

文類聚作昭

神路幽嚴

皇帝親臨祖饌

文類聚作輅

躬瞻宵載飭遺儀於組旒

淪祖音乎珩珮

悲繡筵

文類聚作裴

之移御痛暈綸之重臨降輿客位

撤奠殯階乃命史臣累德述懷其辭曰

倫昭儼昇有物

文類聚作修

有憑圓精初鑠方祇始凝昭哉世族祥發

慶膺祕儀景貴

文類聚作圖

光玉繩昌暉在陰柔明將進率禮蹈和

稱詩納順爰自待年金聲夙振亦既有行素章增絢象服是加

觀維則俾我王風

始基嬪德惠

文類聚作惠

問川流芳猷潤寒方江河

漢載謠南國伊昔不造鴻化中微用集寶命仰陟天機釋位公宮

登曜紫闥欽若皇姑允迪前徽孝達盛親敬行宗祀進思才淑仲

綜圖史發音在詠動容成紀壺政凝宣房樂韶宋書理坤則順成

星軒潤飾德之所履惟深必淵下節震騰上清腴側有來斯雍無

思不極謂道輔仁司化莫晰象物方錄眠殿告浚太和既融收文

類聚作位華委世南殿長陰椒塗弛衛嗚呼哀哉戒涼在建宋書抄秋

卽窆霜夜流唱曉月升曉八神警引玉輅遷迹嗷嗷儲嗣哀哀列

麻灑零玉墀雨泗丹掖撫存悼亡感今懷昔嗚呼哀哉南背園門

北首山園僕人案節服馬願輶遙酸紫蓋眇泣素軒滅綵清都夷

體壽原邑野淪議戎夏悲謹藝文類聚作歎來方可述往駕弗援嗚呼哀

哉文選又宋書文帝袁皇

后傳執文類聚十五

爲張湘州祭虞帝文

惟哲化神繼天作聖藏器漁陶致身愛敬是日二妃嬪德九子觀

命在麓不迷御衡日正唐祚旣終虞道乃光容堯授禹素俎采堂

百齡厭世萬里陟方敬詢故老欽咨聖君職奉西湘虔屬南雲神

之聽之匪酒伊草

藝文類聚十一

祭屈原文

惟有宋五年月日湘州刺史吳郡張邵恭承帝命建旗舊楚訪懷沙之淵得捐佩之浦弭節羅潭蔽舟汨渚乃遣戶曹掾某敬祭故楚三閭大夫屈君之靈蘭薰而摧玉纁則折物忌堅芳人諱明潔日若先生逢辰之缺溫風怠時飛霜急節羸非遽紛昭懷不端謀折儀尙貞蕝椒蘭身絕郢闕迹徧湘干比物荃蓀連類龍鸞聲溢金石志華日月如彼樹芳實穎實發望汨心歆瞻羅思越藉用可塵昭忠難闕

文選宋書顏延之傳

祖祭弟文

闔棺窮野收殮中荒靈影夙滅筵寢虛張人往運來自秋徂陽蕃蘭落色宿草滋長孰云不痛辭家去鄉爾之於役爰適茲邑上秋告來方春佇立如何不弔吉違凶集六親慙心姻朋浩泣我雖載

奔伊何云及、永懷在昔、追亡悼存、惟兄及弟、瞻母望昆、生無榮曜、沒望歸魂、令袍吉兆、祖櫬東旋、靈輟次路、嚴舟在川、廓然何及、痛矣終天、

藏文類聚二十一

顏竣

竣字士遜、延之子、元嘉中、爲太學博士、太子舍人、出爲孝武撫軍主簿、隨府轉安北鎮軍、北中郎主簿、又隨府遷南中郎記室參軍、孝武舉義、轉諮議參軍、領錄事、及卽位、召爲侍中、尋遷左衛將軍、封建城縣侯、轉吏部尚書、領驍騎將軍、兼領軍將軍、丹陽尹、加散騎常侍、又加中書令、因讓、復爲吏部尚書、領太子左衛率、未拜、丁憂、起爲右將軍、丹陽尹、出爲東揚州刺史、忤旨免、大明三年、下獄賜死、有集十四卷

讓中書令表

虛竊國靈、坐招禁要、聞命慚惶、形魂震越、臣東州凡鄙、生微於時、

長自閭閻不窺官轍門無富貴志絕華伍直曰委身壟畝飢寒交
切先朝陶均庶品不遺愚賤得免耕稅之勤願仕進之末陛下盛
德居藩總攬英異越曰不才超塵清軌奉躬歷稔勞效莫昔仰侍
曲成之仁畢願守宰之秩豈期天地中閑殷憂啟聖倚附興運擢
景神塗雲飛海泳冠絕倫等曾未三朞殊命八萃詳料賞典則臣
不應科瞻言勩良則臣與作貴方欲諱款皇朝降階盛序微已國
言少微身誠而制書猥下爵樹彌隆臣小人也不及遠謀實利之
來何能居約徒曰上瀆天明下汨繁議失適之興懼必在邇今之
過授曰先微身苟曰非據危辱將及十手所指諭等言曰所曰
寐兢甚維縈苦疾者也伏願陛下察其丹誠矜其疾願絕會收恩
曰全恩分則造化之施方茲爲薄

宋書
張暢傳

張暢卒官表

張暢遂不救疾東南之秀蚤樹風範間問悽悽深切常懷

宋書
張暢傳

賜傳案賜有二傳前篇在四十六不載此表

奏薦孔覲王或爲散騎常侍

常侍華選職任俟才新除臨海太守孔覲意業閑素司徒長史王

或懷尙清理並任爲散騎常侍宋書孔覲傳孝建三年吏部尚書顏竣奏

郊廟樂議

德業殊稱則于羽異容時無治制故物有損益至於禮失道謬稱習忘反中興釐運視聽所革先代謬章宜見刊正郊之有樂蓋生周易周官歷代著議莫不援準夫埽地而祭器用陶匏唯質與誠日章天德文物之儆理固不然周官曰國有故則旅上帝及四望又曰四圭有邸日祀天旅上帝兩圭有邸日祀地旅四望四望非地則知上帝非天孝經云郊祀后稷日配天宗祀文王於明堂日配上帝則豫之作樂非郊天也大司樂職奏黃鍾哥大呂舞雲門日祀天神鄭注天神五帝及日月星辰也王者日夏正月祀其所

受命之帝於南郊則二至之祀又非天地攷之眾經郊祀有樂未見明證宗廟之禮事炳載籍爰自漢元迄乎有晉雖時或更制大抵相因其惟不襲名號而已今樂典淪滅知音世希改作之事臣聞其誥正德大豫禮容具存宜殊其徽號飾而用之曰正德爲宣化之舞大豫爲興和之舞庶足日光表世烈悅被後昆前漢諸祖宗廟處所各異主名既革舞號亦殊今七廟合食庭殿其所舞蹈之容不得廟有別制後漢東平王蒼已議之矣又王肅韓祗曰王者德廣無外六代四夷之舞金石絲竹之樂宜備奏宗廟愚謂蒼肅祗議合於典禮適於當今

朱書樂志一孝建二年九月散騎常侍丹陽尹建城縣開國侯顏竣議又

見通典一百四十七

與虜互市議

愚曰爲與虜和親無益已然之明效何曰言其然夷狄之欲侵暴正苦力之不足耳未嘗拘制信義用輟其謀昔年江上之役乃是

和親之所招歷稔交聘遂求國婚朝廷應康之義依違不絕既積歲月漸不可誣獸心無厭重言忿怒故至於深入幸今因兵交之後華戎隔判若言互市則復開曩傲之萌議者不過言互市之利在得馬今棄此所重得彼下驪千匹目上尙不足言況所得之數裁不十百耶一相交關卒難閉絕寇負力玩勝驕黠已甚雖云互市實覘國情多贍其求則桀傲罔已通而爲節則必生邊虞不如塞其端漸杜其觊望內修德化外經邊事保境自觀其覈於事爲長

宋書顏竣傳元嘉二十八年虜自彭城北歸復求互市竣議

鑄四銖錢議

泉貨利用近古所同輕重之議定於漢世魏晉以降未之能改誠目貨物既均改之僞生故也世代漸久弊運頓至因革之道宜有其術今云開署放鑄誠所欣同但慮採山事絕器用日耗銅既轉少器亦彌貴設器直一千則鑄之減半爲之無利雖令不行又云

去春所禁一時施用是欲使天下豐財若細物必行而不從公鑄利已既深情偽無極私鑄翦鑿書不可禁五銖半兩之屬不盈一年必至於盡財貨未贍大錢已竭數歲之間悉爲塵土豈可令取弊之道基於皇代今百姓之貨雖爲轉少而市井之民未有嗟怨此新禁初行品式未一須臾自止不足曰垂聖慮唯府藏空匱實爲重憂今縱行細錢官無益賦之理百姓雖贍無解官乏唯簡費去華設在節儉求贍之道莫此爲貴然錢有定限而消失無方剪鑄雖息終致窮盡者亡應官間取銅之署絕器用之塗定其品式日月漸鑄歲久之後不爲世益耳

宋書顏竣傳

鑄二銖錢議

議者將爲官藏空虛宜更改鑄天下銅少宜減錢式以救交弊販國紓民愚曰爲不然今鑄二銖悉行新細於官無解於乏而人姦巧大興天下之貨將靡碎至盡空立嚴禁而利深難絕不過一二

年間其弊不可復救其甚不可一也今錄鑄有頓得一二億理縱復得此必待彌年歲暮稅登財帛釐革日用之費不贍數月雖權微助何解乏耶徒使姦民意騁而貽厥愆謀此又甚不可二也民懲大錢之改兼畏近日新禁市井之間必生喧擾遠利未開切患猥及富商得志貧民困窘此又甚不可三也若使交益深重尙不可行況又未見其利而眾弊如此夫算當時取諸百代乎宋書顏竣傳

爲世祖檄京邑

夫運不常隆代有莫大之釁爰自上葉或因多難日成福或階昏虐日兆亂或由君臣義合理悖恩離故堅冰之邁每鍾澆末未有日道御世放化明厚而當臯稷反噬難發天屬者也先帝聖德在位功格區宇明照萬國道洽無垠風之所被荒隅變識仁之所勳木石開心而賊劬乘藉豕竈夙蒙寵樹正位東朝禮絕君后凶慢之情發於詭讎猜忍之心成於幾立賊潛險躁無行自幼而長交

相倚附、共逞奸回、先旨曰王室不造、家難亟結、故含蔽容隱、不彰其惡、訓誘啟告、冀能革音、何悟狂慝不悛、同惡相濟、肇亂巫蠱、終行弑逆、聖躬離荼毒之痛、社稷有剪墜之哀、四海崩心、人神泣血、生民已來、未聞斯禍、奉諱驚號、肝腦塗地、煩冤膈臆、容身無所、大將軍諸王、幽閑窮省、存亡未測、徐僕射江、尚書袁左率、皆當世標秀、一時忠貞、或正色立朝、或間道弗順、竝橫分階閭、懸首都市、宗黨夷滅、豈伊一姓禍毒所流、未知其極、昔周道告難、齊晉勦王、漢歷中圯、虛牟立節、異姓未屬、猶或亡軀、況幕府職同昔人、義兼臣子、所曰枕戈嘗膽、苟全視息、志梟元凶、少雪仇恥、今命冠軍將軍領咨議中直兵、柳元景、寧朔將軍領中直兵、馬文恭等、統勁卒三萬、風馳徑造石頭、分趨白下、輔國將軍領咨議中直兵、宗慤等、勒甲楯二萬、征虜將軍領司馬、武昌內史沈慶之等、領壯勇五萬、相尋就路、支軍別統、或焚舟破釜、步自姑熟、或迅機蕪湖、入據雲陽、

凡此諸帥皆英果權奇智略深膽名震中土勳暢遐疆幕府親董
精悍一十餘萬授律枕戈駉驛繼邁司徒劄哲淵謨赫然震發微
甲八州電起荆郢冠軍將軍滅質忠烈協舉靈動漢陰冠軍將軍
朱脩之誠節亮款悉力請奮制雖百萬稍次近塗蜀漢之卒續已
出境又安東將軍誕平西將軍遵考前撫軍將軍蕭思話征虜將
軍魯爽前監朔將軍王玄謨竝密信俱到不契同期傳檄三吳馳
軍京邑遠近俱發揚旂萬里樓艦騰川則滄江霧咽銳甲赴野則
林薄摧根謀臣智士雄夫毅卒畜志須時懷憤待用先聖靈澤結
在民心逆順大數冥發天理無父之國天下無之羽檄既馳華夷
響會曰此眾戰誰能抗禦曰此義動何往不捷況逆醜無親人鬼
所背計其同惡不盈一旅崇極羣小是與比周哲人君子必加積
忌傾海注壘猶山壓卵商周之勢曾何足云諸君或奕世貞賢身
倣皇渥或勳烈肺腑休否攸同拘逼因勢俛眉寇手含憤茹憾不

可為心大軍近次威聲已接便宜因變立功洗雪萍累若事有不
 獲能背逆歸順亦其次也如有守迷遂往黨一凶類則茲無赦戮
 及五宗賞罰之科信如日月原火一燎異物同灰幸求多福無詒
 後悔書到宣告咸使聞知宋書元因勅傳案顏延之傳勅召延
歲之筆也又顏竣傳云世祖入計在總納外計造數書
 几贊序

今上在彭城賜金掛臥几藝文類聚八十九

顏測

測史作測延之次子為江夏王義恭司徒錄事參軍有集十一卷

山石櫺賦

風觸枝而翻飈雨淋條而殞芬環青軒而燧列繞翠波而星分視
 栖翳之失榮顧彫霞之無文藝文類聚八十六

大司馬江夏王賜絹葛啟

冰紈風綵事膺盛服

御覽八百十九引顏淵集

梳子贊

濯雨時摘素當飄獨合芬豐榮殊未紀銷落竟誰聞

梳文類聚八十九

賜進士出身二品銜廣東等處提刑按察使司按察使兼管驛傳事務高麗王毓藻校刊

全宋文卷三十八終

全宋文卷三十九

烏程嚴可均校輯

王玄謨

玄謨字彥德太原祁人義熙中武帝臨徐州辟爲從事史景平末謝晦爲荊州請爲南蠻參軍武昌太守元嘉中補長沙王義欣鎮軍中兵參軍領汝陰太守後爲興安侯義賓輔國司馬彭城太守加監朔將軍元凶弒立己爲益州刺史孝武卽位除徐州刺史加都督假輔國將軍拜豫州刺史前將軍封曲江縣侯免尋復爲豫州刺史遷監蠻校尉雍州刺史後爲金紫光祿大夫領太常尋領起部尙書又領北選遷平北將軍徐州刺史轉領軍將軍前廢帝卽位徙青冀二州刺史明帝卽位除大將軍江州刺史尋爲左光祿大夫開府儀同三司領護軍遷南豫州刺史卒年八十一謚曰莊公

論彭城表

彭城南屆大淮、左右清沔、城隍峻整、襟帶衛風、又自淮、自西、襄陽、自北、經塗三千、達於濟岱、六州之民、三十萬戶、實由此境、

請用楊頭爲西秦州假節表

被敕令臣遣使與楊元和、楊頭相聞、并致信餉、卽遣中軍行參軍、呂智宗、齎書并信等、亦自遣使隨智宗、及頭語智宗、頃破家爲國、母妻子弟、并墜沒虜中、不顧孝道、陳力邊捍、竭忠盡誠、未爲朝廷所識、若呂元和承統、宜授王爵、若呂其年小、未堪大任、則應別有所委、頃來公私紛紜、華戎交構、皆此之由、臣伏尋頭元嘉以來、實有忠誠於國、棄親遺愛、誠在可嘉、氏羌負遠、又與虜咫尺、急之則反、緩之則怨、觀頭使人言語、不敢便望仇池公、所希政在西秦州、假節而已、如臣愚見、蕃捍漢川、使無虜患、頭實有力、四千戶荒州、殆不足吝、元和小弱、若未可專委、復數年之後、必堪嗣業、用之不

雖若才用不稱則應歸頭若蒞蘆不守漢川亦無立理宋書以胡年曰楊元和為征虜將軍楊頭為輔國將軍元和年小才弱不能緩御所部頭母妻子弟並為虜執頭至誠奉順無所懷顧雍州刺史王謨上表上不許案孝武紀孝建二年十月日王玄謨為雍州刺史氏胡傳作王謨有脫今校正

領汝陰太守上疏

王逸始開隨復淪塞非惟天時抑亦人事虎牢滑臺非惟將之不頁抑亦本之不固本之不固皆由民憚遠役臣請曰西陽之魯陽襄陽之南鄉發甲卒分為兩道直趣淪澠征士無遠僭之思吏士有屢休之歌若欲曰東國之眾經營牢洛道途既遠獨克實難宋王玄謨傳元嘉中領汝陰太守時虜攻陷滑臺執朱脩之曰歸玄謨上疏

臨雍州上言

所統僑郡無有境土新舊錯亂租課不時宜加并合南史十六

墾起湖田議

小民貧賈遠就荒疇去舊即新糧種俱闕習之既難勸之未易謂

宜微加資給使得肆勤明力田之資申怠惰之罪宋書孔靖傳大無貲之家於餘姚鄞三縣界壘起湖田太常王玄謨議

報南郡王義宣書

頃奉二詔伏對戰駭先在彭泗聞諸將皆云必有今日之事日鄙
意量謂無此理去年九月故遣參軍光僧瑗脩書表心并密陳入
相之計欲使周旦之美復見於今豈意理數難推果至於此昔因
幸食蒙國士之顧思報厚德甘起泉壤豈謂一旦事與願違公崇
長姦回自放西服信邪細之說忘大節之重溺流狡之志滅君親
之恩狎玩極寵越希非覲祖宗世紀自圖顛覆瞑目行事未有如
斯之甚者也乃復枉覃書檄遠示見招此則丹心微款未亮於高
鑑赤城幽志虛感於平日環念周回始悟知己之爲難也公但念
提職在昔不思善教有本徒見徐魯去就未知仗義有人豈不惜
哉有臣則欲其忠誘人而導諸逆君子忠恕其如是乎苟不忠恕

則擇木之喻有所不集矣夫挑妾者愛其易求妻則敬其難若承命如響將焉用之原轂存輿無禮必及竊恐荆郢之士已當潛貳其懷非皇都陋臣秉義不徙公雖心迷迹往猶願勉建良圖抑撫軍忠壯慷慨亮誠有素新亭之勳莫與爲等而妄信姦虛坐相貶謫不亦惑哉幸承人乏夙誠前驅精甲已次近路鎮軍駘驛繼發太傅驃騎嗣董元戎乘輿親御六師威靈遐振人百其氣慕義如林舟騎雲回赫奕千里輒屬韃韞與執事周旋授命當仁理無所讓夫君道既盡民禮亦絕執筆裁荅感慨交懷宋書南郡王義宣豫州刺史王玄謨舟師頓梁山洲內東西兩岸爲郢月城營柵甚固義宣屢與玄謨書要令降玄謨書報

馳信告柳元景

西城不守唯餘東城眾寡相懸請退還姑熟更議進取宋書垣護之傳

孟靈休

靈休平昌人晉丹陽尹昶子封臨汝公官至祕書監

與何勛書

劉邑向願見嗽遂舉體流血

宋書劉穆之傳穆之孫邑嗜食瘡痂

悉獲取已節邑既去靈休與何勛書

案勛

垣護之

護之字彥宗略陽桓道人初從武帝征司馬休之爲世子中軍府長史兼行參軍永初中補奉朝請元嘉初爲殿中將軍北高平太守遷宣威將軍鍾離太守尋加建武將軍領濟北太守孝武起義召爲宣遠將軍冀州刺史孝建初徵爲游擊將軍加輔國將軍遷宣朔將軍徐州刺史封益陽縣侯免復爲游擊將軍遷大司馬輔國將軍南東海太守未拜復督青冀二州諸軍事宣遠將軍青冀二州刺史鎮歷城進宣朔將軍兼督徐州諸軍事大明中徵爲右衛將軍轉西陽王子尚撫軍司馬臨淮太守出爲持節督豫司二州諸軍事輔國將軍豫州刺史淮南太守

免大明八年復起爲太中大夫未拜卒年七十諡曰壯侯

與到彥之書諫回師

外聞節下欲回師反旆竊所不同何者殘虜畏威望風奔迸八載
侵地不戰克復方當長驅朔漠窮埽遺醜況乃自送無假遠勞宜
使竺靈秀速進滑臺助朱脩之固守節下大軍進擬河北則牢洛
遊魂自然奔退且昔人有連年攻戰失眾乏糧者猶張膽爭前莫
肯輕退況今青州豐穰濟漕流通士馬飽逸威力無損若空棄滑
臺坐喪成業豈是朝廷受任之旨

宋書垣
護之傳

馳書勸王立謨急攻滑臺

昔武皇攻廣固死沒者亦眾況事殊曩日豈得計士眾傷疲願目

屠城爲急

宋書垣
護之傳

垣襲祖

襲祖護之子爲淮陽太守孝武召事徙之嶺南護之不食而死

帝疾篤遣使至嶺南殺之

臨死與從弟榮祖書

弟嘗勸我危行言遜今果敗矣

南齊書垣榮祖傳南史二十五

劉式之

式之字延叔東莞莒人晉僕射劉穆之次子爲相國中兵參軍

入宋遷太子中舍人黃門侍郎監朔將軍宣城淮南二郡太守

入爲太子右衛率左衛將軍吳郡太守卒贈征虜將軍德陽縣

侯諡曰恭

諸官出行分道議

每至出行未知制與何官分道應有舊科法唯稱中丞專道傳詔

倚信詔喚眾官應詔者行得制令無分別他官之文既無畫然定

則準承有疑謂皇太子正議東儲不宜與眾同例中丞應與分道

揚州刺史丹楊尹建康令竝是京輦土地之主或檢校非違或赴

救水火事應神速不宜稽駐亦合分道又尋六門則爲行馬之內
且禁衛非違竝由二衛及領軍未詳京尹建康令門內之徒及公
事亦得與中丞分道與不其準參舊儀告報參詳所宜分道聽如
臺所上其六門內旣非州郡縣部界則不合依門外其尙書令二
僕射所應分道亦悉與中丞同

宋書職志二通典二十四元嘉十
二年有司奏御史中丞劉式之議

劉瑀

瑀字茂琳式之第三子元嘉中爲南徐州別駕從事史遷從事
中郎領淮南太守出爲寧遠將軍益州刺史孝武卽位召爲御
史中丞除司徒左長史遷御史中丞轉右衛將軍除輔國將軍
益州刺史坐事免起爲東陽太守遷吳興太守大明二年卒諡
曰剛子有集七卷

奏彈蕭惠開

非才非望非勳非德

南史
十五

奏彈王僧達

詹藉高華人品允末

宋書劉穆之傳南史十五

與顏竣書

朱脩之三世叛兵一旦居荊州青油幙下作謝宣明面見向使齊

帥曰長刀引吾下席於吾何有政恐匈奴輕漢耳

宋書劉穆之傳南史十五初

記二十五

與親故書

吾家黑面阿秀遂居劉安眾處朝廷不爲多士

宋書劉穆之傳南史十五

之爲并楊尹瑞又與親故書

劉秀之

秀之字道實穆之從兄子少帝末除駙馬都尉奉朝請文帝時

除撫軍江夏王義恭平北彭城王義康參軍出爲無錫陽羨烏

程令遷建康令除尚書中兵郎重除建康令卒武鍾襄陽曰爲

撫軍錄事參軍襄陽令改領廣平太守除督梁南北秦三州諸軍事、監遠將軍、西戎校尉、梁南秦二州刺史、孝武卽位、遷使持節、督益寧二州諸軍事、監朔將軍、益州刺史、進號征虜將軍、改督爲監、封康樂縣侯、尋遷監郢州諸軍事、郢州刺史、徵爲右衛將軍、遷丹陽尹、又遷尙書右僕射、領太子右衛率、出爲使持節、散騎常侍、都督雍梁南北秦四州郢州之竟陵隨二郡諸軍事、安北將軍、監蠻校尉、雍州刺史、大明八年卒、贈侍中司空、諡曰忠成公、

北征上疏

臣今月十二日入涇口、緣道把沙開溝、日夜繼日、日才行十餘里、或七八里、

北堂書鈔一百五十九引宋元嘉起居注

民殺長吏議

律文雖不顯民殺官長之旨、若值赦、但止徙送、便與悠悠殺人、曾

無一異民敬官長比之父母行害之身雖遇赦謂宜長付尙方窮

其天命家口令補兵

宋書劉秀之傳大明四年改定制令疑民殺長吏科議者謂值赦宜加徙送秀之曰爲云

云又見南史十五

申恬

恬字公休

御覽六百三十四引魏郡魏人義熙末爲驃騎道憐徐爰宋書作字道憐

參軍武帝受禪拜東宮殿中將軍元嘉中轉員外散騎侍郎出

爲綬遠將軍下邳太守轉北海加寧遠將軍又爲北譙梁二郡

太守遷督魯東平濟北三郡軍事太山太守臨川王義慶鎮江

陵爲平西中兵參軍又爲衡陽王義季安西參軍加寧朔將軍

召拜太子屯騎校尉召母憂去職起督冀州青州之濟南樂安

平原三郡諸軍事揚烈將軍冀州刺史加濟南太守召兵敗徵

還起爲通直常侍授寧朔將軍山陽太守孝武卽位遷青州刺

史尋加督徐州之東莞東安又督冀州遷豫州刺史孝建三年

卒年六十九

上換邵事宜表

伏聞朝恩當加臣濟南太守仰惟優旨荒心散越臣殃咎之餘遭蒙踰忝寵私罔已復蒙今授豈其愚迷所能上答臣近至止卽履行所統究其形宜河濟之間應置戍兵其中四處急須修立貧口故城又是要所宜移太原委目邊事緣山諸邕並得除省防衛緩懷利便非一呂綽誠效益著深同臣意百姓聞者咸皆附說急有同異二三未宜但房紹之莅郡經年軍民粗狎改百帶臣有乖永事遠牽太原於民爲苦而貧口之計復成交互人情非樂容有不安疆場威刑患不開廣若得依先處分公私允緝

宋書申恬傳

蕭思話

思話南蘭陵人孝懿皇后弟子義熙末除琅邪王大司馬參軍轉相國參軍永初初丁父憂去職服闋拜羽林監襲爵封陽縣

侯轉宣威將軍、彭城沛二郡太守。元嘉初，謝晦爲荊州，請爲司馬，不就。遷中書侍郎，振武將軍、青州刺史。己避虜，徵下廷尉，起爲橫野將軍、梁南秦二州刺史，加節，進號寧朔將軍。遷臨川王義慶平西長史、南蠻校尉，又除衡陽王義季安西長史，遷寧蠻校尉、雍州刺史。襄陽太守入爲侍中，領太子右衛率，尋改領左衛將軍。南徐州大中正復出爲寧蠻校尉、雍州刺史，遷護軍將軍。代孝武爲撫軍將軍，充徐二州刺史，免。元凶弒立，復先職。孝武卽位，己爲散騎常侍、中書丹陽尹，出爲鎮西將軍、郢州刺史。孝建二年卒，贈征西將軍，開府儀同三司，諡曰穆侯。

奉世祖牋

下官近在歷下，始奉國諱，所承使人不知闊狹，旣還在路，漸有所聞，猶謂人倫無容有此私懷感慨，未敢在言。奉被今敕，果出慮表，重增哀惋，不能自勝。此實天地所不覆載，人神所不容忍。率土民

岷莫不憤咽。況下官蒙荷榮渥。義兼常志。此月五日被驛使追命騎還朝。切齒拊心。輒已鍾疾。雖百口在都。一非所願。正欲遣啟受規略。會奉今旨。悲懼兼情。伏承司徒英圖電發。殿下神武霜斷。威質忠義竝到。不謀同時。仗順沿流。席卷江甸。前驅風邁。已應在近。下官復練始集。遣輔國將軍申坦龍驤將軍梁坦二軍分配精甲五千。申坦爲統。便日卽日水陸齊下。下官悉率文武駉驛繼發。憑威策懦。勢同振朽。開泰有期。悲欣交集。宋書蕭思話傳元因絀立思話卽率部曲還彭城起義召應世祖遣使奉歲書

一月三日思話白。節近說寒切。足下復何如。比何一涉道。久當諸惡邪。少首望近。吾所患猶爾。思話白。蕭化開帖四

蕭惠開

惠開思話子。初爲祕書郎。轉太子舍人。尙書水部郎。始興王濬

征北主簿、南徐州治中從事史、徙汝陰王友、又爲南徐州別駕、中書侍郎、江夏王義恭大將軍大司馬從事中郎、孝建初、爲太子中庶子、轉黃門侍郎、免、尋除中庶子、丁父艱、服闋、除司徒左長史、大明初、出爲海陵王休茂北中郎長史、監朔將軍、襄陽太守、行雍州州府事、襲爵封陽縣侯、還爲新安王子鸞冠軍長史、行吳郡事、遷豫章內史、入爲尙書吏部郎、不拜、徙御史中丞、進侍中、母憂去職、起爲輔國將軍、青冀二州刺史、不行、改督益寧二州刺史、明帝卽位、進號冠軍將軍、又進平西將軍、改督爲都督、尋除晉平王休祐驃騎長史、南郡太守、入爲少府、加給事中、又除巴陵王休若征西長史、監朔將軍、南郡太守、未拜卒、有集七卷

求解職表

陛下未照臣愚、故引參近侍、臣已職事非長、故委能何偃、凡諸當

不、不敢參議、竊見積射將軍徐冲之、爲假命所黜、臣愚懷謂有可
申、故聊說微異、偃恃恩使貴、欲使人靡二情、便訶脅主者、于定文
案、割落臣議、專載己辭、雖天照廣臨、竟未見察臣理、違顏咫尺、致
茲壅滯、則臣之受劾、蓋何足悲、但不順侍中、臣有其咎、當而行之、
不知何過、且議之不允、未有彈科、省心揆天、了知在宥、臣不能謝
愆、右職、改意重臣、刺骨鑠金、將在旦夕、乞解所忝、保拙私庭、宋書蕭惠

開傳

斬吉翰子啟

吉爲劉義宣所遇、交結不逞、向臣訕毀朝政、輒已戮之、南史十八

賜進士出身一品銜廣東等處提刑按察使司按察使兼管驛傳事務黃岡王毓藻校刊

全宋文卷四十

烏程嚴可均校輯

徐爰

爰字長玉

釋文敘錄作季玉

初名瑗南琅邪開陽人仕晉爲琅邪王大

司馬府中典軍至宋元嘉中累遷殿中侍御史轉南臺侍御史始興王濬後軍遷員外散騎侍郎孝建初補尚書水部郎轉殿中郎進尚書右丞遷左丞大明中領著作郎遷游擊將軍景和初爲黃門侍郎領射聲校尉封吳平縣子泰始初例削封改領長水校尉兼尚書左丞尋除太中大夫徙付交州還除南康郡丞後廢帝卽位召爲南濟陰太守除中散大夫元徽三年卒年八十二有宋書六十五卷集十卷

藉田賦

衍參途之廣闊眇道路之悠遠增華畢之未驚渺同方其已反初學

記十

隱千軫已風行、闕萬轡而霧轉、白日麗晷乎桑野、大駕稅幸乎疆

刪上

議國史限斷表

臣聞虞史炳圖、原光被之美、夏載昭策、先隨山之勤、天飛雖王德所至、終陟固有資田、躍神宗始於俾乂、上日兆於納揆、其在殷頌、長發立王、受命作周、寔唯離伯、考行之盛、則振古之弘軌、降逮二漢、亦同茲義、基帝勗乎豐郊、紹祚本於昆邑、魏曰武命、國志晉曰宜啟、陽秋明黃初非更姓之本、太始爲造物之末、又近代之令準、式遠之鴻規、典謀緬邈、紀傳成準、善惡具書、成敗畢記、然餘分紫色、滔天泯夏、親所芟夷、而不序於始傳、涉聖卓紹、煙起雲騰、非所誅滅、而顯冠乎首述、豈不曰事先歸之前錄、功偕著之後撰、伏惟皇宋承金行之澆季、鍾經綸之屯極、繼立光已鳳翔、秉神符而龍

舉刺定鯨鯢、夫人告屬、晉祿數終、上帝臨宋、使應奄膺紘、寓對越神工、而恭服勤於三分、讓德過於不嗣、其爲巍巍蕩蕩、赫赫明明、歷觀遯聞、莫或斯等、宜依銜書、改文、登舟變號、起元義熙、爲王業之始、載序宣力、爲功臣之斷、其僞玄纂竊同於新莽、雖靈武克殄、自詳之晉祿、及犯命干紀、受戮霸朝、雖掛禪之前、皆著之宋策、國典體大方垂不朽、請外詳議、伏須遵承、宋書徐爰傳先是元嘉中又使山謙之蘇寶生薛威之六年正月爰終其業因上表於是內外同爰議

皇子出後告廟議

國之大事、必告祖禰、皇子出嗣、不得謂小、昔第五皇子承統廬陵

備告七廟

宋書禮志國孝建三年五月兼右丞殿中郎徐爰議

鑄四銖錢議

貴貨利民、載自五政、開鑄流圉、法成九府、民富國實、敬立化光、及時移俗易、則通變適用、是引周漢俶遷、隨世輕重、降及後代、財豐

用足、因條前寶、無復改賦、年歷既遠、喪亂屢經、堙焚翦毀、日月銷滅、貨薄民貧、公私俱困、不有革造、將至大乏、謂應式遵古典、收銅繕鑄、納贖刊刑、舊在往策、今宜已銅贖刑、隨罰爲品、宋書顏竣傳孝建三年防禦索虜議

詔旨虜犯邊塞、水陸遼遠、孤城危棘、復不可置、臣已戎虜猖狂、狡焉滋廣、列卒擬候、伺覘閒隙、不勞大舉、終莫永寧、然連於千里、費固巨萬、而中興造創、資儲未積、是已齊斧徘徊、朔氣稽埽、今皇運洪休、靈威遐愾、蠢爾遺燼、懼在誅剪、思肆蜂蠆、已表有餘、雖不敢深入濟沛、或能草竊邊塞、羽林鞭長、太倉遙阻、救援之日、勢不相及、且當使緣邊諸戍、練卒嚴城、凡諸督統、聚糧蓄田、籌計資力、足相抗擬、小鎮告警、大督電赴、塢壁邀斷、州郡倚角、儻有自送、可使匹馬不反、詔旨胡騎倏忽、抄暴無漸、出耕見虜、野粒資寇、比及少年、軍實無疑、江東根本、不可俱竭、宜立何方、可已相應、臣已爲方

鎮所資官宜且田且守若使堅壁而春墾輟耕清野而秋登莫擬私無生業公成虛聲遠引根本二三非宜救之之術唯在盡力防衛來必拒戰去則邀蹶據險保隘易爲首尾胡馬旣退則民豐廩實比及三載可日長驅詔旨賊之所向本無前謀兵之所進亦無定所比歲戎戍倉庫多虛先事聚眾則消費歸粟敵至倉卒又無召相應臣召爲推鋒前討大須資力據本應求不俟多眾今寇無傾國豕突列城勢足脅齒養卒得勇所任得才臨事而懼應機無失豈煩空聚兵眾召待未然詔旨戎狄貪婪唯利是規不挫因圖茲志歲結臣召爲不擊則必侵掠侵掠不已則民失農桑農桑不收則王戍不立爲立之方擊之爲要詔旨若令邊地歲驚公私失業經費困於遙輸遠圖決無遂事屢獎賁略逆應有方臣召爲威虜之方在於積粟塞下若使邊民失業列鎮寡儲非唯無召遠圖亦不能制其侵抄今當使小戍制其始寇大鎮赴其入境一被毒

手便自吹齋鳥逝矣

宋書徐爰傳
孝建三年

皇子出後告廟臨軒議

營陽繼體皇基身亡封絕恩詔追封錫弓一城既始啟建茅土故

宜臨軒告廟今歆繼後南豐彼此俱爲列國長沙南豐自應各告

其祖豈關太廟事非始封不合臨軒

宋書禮志四
大明元年六月
詔召前太子步兵校尉鳳男

歆紹南豐王
明有司奏繼體
不告廟臨軒殿中郎徐爰議

郊祀遇雨議

郊禮用辛有擬遷日禮官祠曹攷詳已備何假據禮不應重告思

情所同尋告郊剋辰於今宜改告事而已次辛十日居然展齋養

牲在滌無緣三月謂毛血告於之後雖有事礙便應有司行事不

容遷郊

宋書禮志三
大明二年正月
右丞徐爰議又見通典四十二

郊兆議

郊祀之位遠古蔑聞禮記燔柴於太壇祭天也兆於南郊就陽位

也漢初甘泉河東禋祀易位終亦徙於長安南北光武紹祚定二郊洛陽南北晉氏過江悉在北及郊兆之議紛然不一又南出道狹未議開闢遂於東南已地創立丘壇皇宋受命因而弗改且居民之中非邑外之謂今聖圖重造舊章畢新南驛開塗陽路脩遠謂宜移郊正午召定天位

宋書禮志一通典四十二大明三年九月

安陸國廟祭議

案禮慈母妾母不代祭鄭玄注召其非正故傳曰子祭孫止又云爲慈母後者爲祖庶母可也注稱緣爲慈母後之義父妾無子亦可命己庶子爲之後也考尋斯義父母妾之祭不必唯子江夏宣王太子體自元宰道戚之胤遭時不幸聖上矜悼降出皇愛嗣承徽緒光啟大蕃屬國爲祖始王夫人載育明懿則一國之正上無所厭哀敬得申既未獲祔享江夏又不從祭安陸卽事求情愚已爲宜依祖母有爲後之義謂合列祀於廟

宋書禮志四大明四年有司奏安陸國土雖建

而奠醑之所未及營立四時薦饗故附江夏之廟宣王所生夫人當應祠不右丞徐爰議

陳留國立世子議

禮厚大宗曰其不可乏祀諸侯代及春秋成義處嗣承家傳爵身為國王雖薨沒無子猶列昭穆立後之日便應卽纂國統於時既無承繼處秀曰次襲紹處嗣既列廟饗故自與代數而遷豈容蒸嘗無嗣橫取他子為嗣為人者嗣又應恭祀先父案禮公子不得禘諸侯處嗣無緣降廟就寢銑亦不得援祭先王徵禮攷事處嗣不應立後銑本長息宜還為處秀代子通典九十三大明四年九月有司奏陳留王曹處嗣薨曰弟處秀襲後秀又薨今依例應拜代子未詳應召秀長子銑為代子為應立次子錯大學博士王溫之江長議並謂應召銑為王嗣太常丞陸澄議為立錯右丞徐爰謂云云詔如爰議宋書禮志二有嗣節諸處字皆非處秀作季

為太子妃服議

宮人從服者若二御哭臨應著縗時從服者悉著縗非其日如常儀太子既有妃葬服召見之日還著公服若至尊非哭臨日幸東

宮太子見亦如之宮臣見至尊皆著朱衣

宋書禮志二通典八十
二大明五年有司奏右

參議

皇太子妃喪議

皇太子妃雖未山塋臨軒拜官舊不爲礙梓棺在殯應懸而不作

耐後三御樂宜使學官擬禮上

宋書禮志二通典八
十二大明五年閏月

又議

皇太子期服內不合作樂及鼓吹

宋書禮
志二

太子妃喪不舉祭議

禮總不祭蓋惟通議大夫曰尊貴降絕及其有服不容復異祭統

云君有故使人可者謂於禮應祭君不得齊祭不可闕故使臣下

攝奉不謂君不應祭有司行事也晉咸寧四年景獻皇后崩晉武

帝伯母宗廟廢一時之祀雖名號尊崇粗可依準今太子妃至尊

正服大功非有故之比既未山塋謂烝祠宜廢尋蔚之等議指歸

不殊闕烝爲允過卒哭耐廟一依常典

宋書禮志四大明五年十月右丞徐爰議

宣貴妃立廟議

宣貴妃既加殊命禮絕五宮攷之古典顯有成據廟堂克構宜選

將作大匠

宋書禮志四大明七年正月左丞徐爰議又見宋書始平王子鸞傳大匠下有卿字

宣貴妃祭議

禮有損益古今異儀春秋傳雖云卒哭而耐耐而作主時之諸侯

皆禫終入廟且麻衣緇緣革服於元嘉苦經變除申情於皇宋況

宣貴妃誕育報蕃葬加殊禮靈筵廬位皆主之哲聖考宮擗祀不

復闕之朝廷謂禫除之後宜親執奠爵之禮若有故三卿行事貴

妃上厭祖姑下絕列國無所應耐

宋書禮志四通典四十七大明七年三月左丞徐爰議

晉陵王無後廟祭議

嗣王未立將來承胤未知疏近豈宜空計服屬已虧祭敬

宋書禮志四通

典五十二大明七年十一月左丞徐爰議詔可

齊敬王子羽廟祭議

國無後於制除罷始封之君寔存承嗣皇子追贈則為始祖臣不
殤君事著前準豈容虛闕烝嘗已俟有後謂宜立廟作主三卿主

祭依舊

宋書禮志四大明八年正月游擊將軍徐爰議又見通典五十二

駁陸澄皇后班諱稱姓議

案司馬孚議皇后春秋逆王后於齊並不言姓

南史四十八陸澄傳秦始皇初澄為尚

書殿中郎議皇后諱班下應依舊稱姓左丞徐爰案

郊祀議

虞稱肆類殷述昭告蓋已創世成功德盛業遠開統肇基必享上

帝漢魏已來聿遵斯典高祖武皇帝克伐僞楚晉安帝尚在江陵

即於京師告義恭於郊兆伏惟泰始應符神武英斷王赫出討戎

戒淹時雖司奉弗虧親謁尚闕謹尋晉武郊已二月晉元禪已三

月有非常之慶必有非常之典不得拘已常祀限已正月上辛愚

謂宜下史官、攷擇十一月嘉吉、車駕親郊、奉謁昊天上帝、高祖武
皇帝配饗、其餘耐食、不關今祭、宋書禮志三、泰始二年十一月黃門侍郎徐爰議

渾儀論

渾儀之制、未詳厥始、王蕃言、虞書稱在璇璣玉衡、曰齊七政、則今
渾天儀、日月五星是也、鄭玄說、動運爲機、持正爲衡、皆曰玉爲之、
視其行度、觀受禪是非也、渾儀義和氏之舊器、歷代相傳、謂之璣
衡、其所由來、有原統矣、而斯器設在候臺、史官禁密、學者寡得聞
見、穿鑿之徒、不解機衡之意、見有七政之言、因曰爲北斗七星、構
造虛文、託之讖緯、史遷班固、猶尙惑之、鄭玄有瞻雅高遠之才、沈
靜精妙之思、超然獨見、改正其說、聖人復出、不易斯言矣、蕃之所
云如此、夫候審七曜、當曰運行爲體、設器擬象、焉得定其盈縮、推
斯而言、未爲通論、設使唐虞之世、已有渾儀、涉歷三代、已爲定準、
後世聿遵、孰敢非革、而三天之儀、紛然其辯、至揚雄方難、蓋通渾

張衡爲太史令，乃鑄銅制範，衡傳云：其作渾天儀，考步陰陽，最爲詳密，故知自衡以前，未有斯儀矣。蕃又云：渾天遭秦之亂，師徒喪絕，而失其文，惟渾天儀尚在候臺。案既非舜之璇玉，又不載今儀所造，曰緯書爲穿鑿，鄭玄爲博實，偏信無據，未可承用。夫璇玉貴美之名，璣衡詳細之目，所曰先儒，曰爲北斗七星，天綱運轉，聖人仰觀俯察，曰審時變焉。

宋書天文志一

旄頭說

晉武嘗問侍臣：旄頭何義？彭推對曰：秦國有奇怪，觸山截水，無不崩潰，唯畏旄頭，故虎士服之，則秦制也。張華曰：有是言而事不經，臣謂壯士之怒，髮踊衝冠，義取於此，擊虞決疑，無所是非也。徐爰曰：彭張之說，各言意義，無所承據。案天文畢昴之中，謂之天街，故車駕曰畢罕前引，畢方昴圓，因其象星經，昴一名旄頭，故使執之者冠皮毛之冠也。

宋書禮志五

食箴

悠悠遂古民之初生有生自食有實口口資生順性甘是黍稷炎
皇俶載后弃茂植一食三飽聖賢通執三穀既竅五味亦宜潔粢
豐盛滋芬美肥奉君養親靡不加精充膚潤氣調神暢情北堂書
鈔一百
四十二
百四十三

家儀

蜡本施祭故不賀其明日爲小歲賀稱初歲福始慶無不宜正旦
賀稱元正首慶百物惟新小歲之賀既非大慶禮止門內御覽三
十三
婚迎車前用銅香爐二枚御覽七
百三

駱達

達仕晉入宋爲太史令

奏陳天文符讖

去義熙元年至元熙元年十月太白星晝見經天凡七占曰天下

革民更主異姓興義熙元年至元熙元年十一月朔日有蝕之凡四皆蝕從上始臣民失君之象也義熙十一年五月三日彗星出天市其芒埽帝坐天市在房心之北宋之分野得彗柄者興此除舊布新之徵義熙七年七月二十五日五虹見於東方占曰五虹見天子黜聖人出義熙七年八月十一日新天子氣見東南十二年北定中原崇進宋公歲星喪回房心之間大火宋之分野與武王克殷同得歲星之分者應王也南史有九年鎮星歲星太白熒惑聚於東井十一年呂來至元熙元年月行失道恆北入太微中占月入太微廷王入爲主十三年十月鎮星入太微積留七十餘日到十四年八月十日又入太微不去到元熙元年積二百餘日占曰鎮星守太微亡君之戒有立王有徙王十四年五月十七日彗星出北斗魁中占曰星彗北斗中聖人受命十四年七月二十九日彗星出太微中彗柄起上相星下芒尾漸長至十餘丈進埽北斗及紫微中占

曰彗星出太微社稷亡天下易政入北斗帝宮空一占天下得召人召人聖主也。一曰彗孛紫微天下易主十四年十月一日熒惑從入太微鉤已至元年四月二十七日從端門出積屍留二百六日繞鎮星熒惑與鎮星鉤已天庭天下更紀十四年十二月歲太白辰襄同居斗牛之間經句斗牛厯數之起占曰三星合是謂改立元熙元年十二月二十四日四黑龍登天易傳曰冬龍見天子亡社稷大人應天命之符金雌詩云大火有心水抱之悠悠百年是其時火宋之分野水宋之德也金雌詩又曰云出而兩漸欲舉短如之何乃相岨交哉亂也當何所唯有隱巖殖禾黍西南之朋困桓父兩云立字也短者云胙短也巖隱不見唯應見谷殖禾谷邊則聖諱炳明也易曰西南得朋故能困桓父也劉向識曰上五盡寄致太平草付合成集羣英前句則陛下小諱後句則太子諱也十一年五月西明門地陷水涌出毀門扉闕西者金鄉之門爲

水所毀此金德將衰水德方興之象也太興中民於井中得棧鐘

上有古文十八字晉自宣帝至今數滿十八年義熙八年太社生

桑明尤著者也南史有冀州道人釋法稱告其弟子曰嵩神言江東有劉將軍漢家諸裔當受天命吾已壁三十二

漢金一餅與之劉氏卜世之數也夫六亢位也漢建武至建安二十五年一百九

十六年而禪魏魏自黃初至咸熙二年四十六年而禪晉晉自秦

始至今元熙二年一百五十六年三代數窮咸呂六年宋書符瑞志上南史

宋本紀一南史末有漢光武社於南陽漢末而其樹死劉備有蜀

迴應之而興及晉季年舊根始萌至是而盛矣若此者有數十條

虞繁隋志作盧繁繁仕晉官爵未詳入宋為祕書監有集十卷

蜀葵賦

惟茲珍草懷芬吐榮挺河渭之膏壤吸鼎井之玄精繞銅爵而疏

植映昆明而羅生作妙觀於神州扇令名於東京馳驛命而遠致

擢華林而麗庭申脩翹之冉冉播圓葉之青青疏文類聚八十一

張野

野仕晉入宋官爵未詳有集十卷

遠法師銘

沙門釋惠遠雁門樓煩人本姓賈氏世爲冠族年十二隨舅令狐氏遊學許洛年二十一欲南渡就范宣子學道阻不通遇釋道安曰爲師抽簪落髮研求法藏釋曇翼每資曰燈燭之費誦鑒淹遠高悟冥蹟安常歎曰道流東國其在遠乎襄陽旣沒振錫南遊結宇靈嶽自年六十不復出山名被流沙彼國僧眾皆稱漢地有大乘沙門每至然香禮拜輒東向致敬年八十三而終

世說文學篇注

伍輯之

輯之仕晉官爵未詳入宋爲奉朝請有集十二卷

園桃賦

嗟王母之奇果特華實兮兼副旣陶煦之夏成又凌寒而冬就嗟

異苑兮難拔亦晚枯兮先茂農黃品其味漢帝驚其珍林休反耕
之牛宅樹同惡之神景斃勇於不足彌增罪於甘分雖無言兮成
蹊巨充肴於魏君時令載始周南申章瞻擇有制藥齊惟良魯拂
樞弓悔荆楚供弧弓事王

藝文類聚八十六
初學記二十八

柳花賦

步江皋兮騁望感春柳之依依垂柯

初學記
作絲

葉而雲布颺零華而

雪飛或風迴而遊薄或霧亂而颺零野淨穢而同降物均色而齊

明

藝文類聚八十九
初學記二十八

任豫

豫爲太尉參軍有禮論條牒十卷禮論帖四卷益州記若干卷

集六卷

籍田賦

瞻望圭景咫尺三州緬彼帝籍百有餘年映至德於盛位儼列晷

於微辰紆汾陽已昧且信堯心而禹勤史奉載耜之禮民奏舉趾之歌膏壤千畝與式既同區勢平易畝陌脩通提攜丘澤眺嶺而

松

藝文類聚三十九
御覽五百三十七

卞伯玉

伯玉濟陰人仕晉官爵未詳入宋爲東陽太守黃門郎有繁辭
注二卷集五卷

大暑賦

惟祝融之司運赫潏暑之方隆日貞躍於鶉首律遷度於林鍾溫
風翕已晨至星火爛已昏中氣滔滔而方盛暑永路而難終流水
今莫繼朱煙兮四練鬱邑兮中房展轉兮長筵體沸灼兮如燎汗
流爛兮珠連

藝文類聚五
御覽三十四

菊賦

仡寒已已彌望觀中霜之軟菊肇三春而懷芬凌九秋已愈馥不

履苦而淪操不在同而表淑傷眾花之飄落嘉茲卉之能靈振動
朔已揚淥含凝露而吐英

藝文類聚
卷八十一

薺賦

終風埽於暮節霜露交於杪秋有萋萋之綠薺方滋繁於中丘

藝文

類聚八

十二

祭孫叔敖文

謹已醴羞祭楚令尹孫君之靈眇眇千載悠悠舒荆理無不通事
隔者形尙想清塵承風效誠超超夫子淡矣道情自心伊貴人爵
靡嬰芳風如蕭清響如塤景矣行役言戾豫方側聞夫子記憤睢
陽靈封殯墓丘塋榛荒幽幽神道爲有爲亡徘徊永念懷矣其傷

藝文類聚三十八
御覽五百二十六

孔欣

欣會稽山陰人仕晉入宋爲國子博士後去職景平中會稽太

守稽淡之旨為參軍有集九卷

案南史七十五沈道虔傳有武康令孔欣之與此同時未審是

兩人否也

七海

攜同好命爪牙攝烏虎杖雄戈緣山結網參雲張羅

御覽三百五十一

袁伯文

伯文為中書郎有集十一卷

美人賦

居瑤光之巖奧御象席之瓊珍

文選謝希逸宣貴妃諫注

何劭

勛東海郟人晉鎮南將軍無忌子襲封安成郡公入宋歷侍中

與江夏王義恭牋

承復須古物今奉泰李斯狗枷漢相如犢鼻

□□□□□引謝綽宋拾遺錄義恭性

愛古物常過就朝上求之侍中何劭已有所送而王微索不已何甚不平出行於道遇狗枷敗犢鼻乃命左右取之還已箱擊送之

日

何長瑜

長瑜東海人爲臨川王義慶王國侍郎歷平西記室參軍除會城令廬陵王紹鎮尋陽請爲南中郎行參軍掌書記行至板橋遇暴風溺死

寄宗人何劭書已韻語序義慶州府僚佐

陸展染鬚髮欲曰媚側室青青不解久星星行復出

宋書

又引見御覽

三百七十三

鄧文子

文子爲尋陽太守

止徵翟法賜表

奉詔書徵郡民新除著作佐郎南陽翟法賜補員外散騎侍郎法賜隱迹廬山於今四世栖身幽巖人罕見者如當逼曰王憲東曰

嚴科馳山獵草已期禽獲慮致顛殞有傷盛化

宋書翟法賜傳

賜進士出身二品銜廣東等處提刑按察使司按察使兼管驛傳事務箇王毓藻校刊

全宋文卷四十終